



## Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact [support@jstor.org](mailto:support@jstor.org).

Received November 9, 1769.

II. *Brevis Narratio de Structura et Effectu Speculorum causticorum parabolicorum à defuncto D<sup>no</sup> Hoefen Dresdae elaboratorum, quae nunc à D<sup>no</sup> Ehrard, sub Arce Dresdenfi habitante, possidentur. Auctore D<sup>no</sup> Wolfe, M. D.*

Read Jan.  
12, 1769.

**O**R BIS vel rectius segmentum parabolicum concavum ex pluribus assensibus solidioris ligni compositum, et in convexa parte baculis tam a vertice divergentibus, quam transversis probe colligatum et firmatum, obductum est in concava parte laminis aurichalceis, quarum crassities  $\frac{1}{8}$  circiter pollicis, longitudo pedum quatuor cum dimidio, latitudo vero pedum duorum cum dimidio. Hæ laminæ tanto studio inter se sunt conferruminatæ, ut linea jungens duas tales laminas vix appareat: splendore vero tali pollent, qualis summa cum cura poliendo conciliari aurichalco potest. Suspenditur et movetur tale speculum inter duo brachia semicirculi lignei, mobilis circa axim ligneum verticalem, insistentem pedibus tribus, eorumque rotulis. Ponderis pro ratione magnitudinis valde exiguum, ut unica manu in omnem situm facile dirigi possit. Anteriorem

riorem speculi partem subtendit arcus ferreus  $\frac{1}{2}$  pollicem crassus, versus medium, hoc est in ipso loco foci ustorii, in anulum efformatus, qui annulus ex utraque parte furcam ferream gerit, quibus vasculum ferreum corpus examinandum continens imponitur. Possidet D<sup>nus</sup> Erhard sex talia specula, quorum quatuor magis perfecta sequentes habent dimensiones.

Num.	Perimeter.		Diameter seu Ordinata.		Profunditas seu Abscissa.		Distantia foci a vertice.	
	Ped.	Pollic.	Ped.	Poll.	Ped.	Poll.	Ped.	Poll.
1.	29	4	9	7	1	4	4	0
2.	21	0	6	8	0	$10\frac{1}{4}$	3	1
3.	16	4	5	1	0	$10\frac{1}{2}$	1	10
4.	13	$2\frac{1}{2}$	4	2	0	7	1	9

Pes Dresdensis ad Londinensem fere ut 13:14. Primum speculum pro faciliori transportatione in duas partes divisum est. Curvaturam horum speculorum satis exactam esse, patet ex eo, quod diameter foci priorum quatuor dimidium pollicem non excedat. Utinam color et politura speculorum metallicorum iis conciliari posset! Effectus horum, urendo, calcinando, fundendo, vitrificando, multum superat quodcumque de hujus generis experimentis innotuit. Durissimi lapides vix pauca secunda temporis resistunt: metalla cito perforantur: vegetabilia nictu oculi comburuntur in cinerem et vitrum, æque ac ossa animalium in calcem et vitrum.

Lubet hic referre pauca experimenta a D<sup>no</sup> Dr<sup>e</sup> Hoffman, nuper instituta, cum speculo quod tertium in ordine.

1. Minera argenti nativi in lapide talcoso viridi, fundebatur tempore unius secundi, absque ullo fumo.

Post unius minuti primi fusionem inveniebantur per multa argenti granula lapidi in vitrum nigrum mutato adhærentia.

2. Minera cupri pyriticosa Salfendenſis cum malachite interſperſo fluebat, uti præcedens, in momento : et tribus ſecundis vix elapſis, guttæ rubræ depluebant, quæ frigefactæ cuprum fragile erant ; lapis vero nunc erat vitrum ex rubro nigrum.

3. Minera ſtanni polyedra Altenburgenſis in momento fluens, poſt unius minuti fusionem, inveniebatur multa ſtanni grana dimiſſiſſe ; ipſe vero lapis quarzoſus in vitrum nigrum mutatus erat.

4. Galena plumbi teſſulis majoribus in niſtu oculi fundebatur cum fumo denſo, et poſt tria ſecunda temporis plumbum bonum malleabile depluebat.

5. Hæmatites niger ſtriatus quarto temporis ſecundo incipiebat fundi, ſine omni fumo, et poſt duo minuta prima ablato, perfecti ferri aliquid adhærere cernebatur.

6. Aſbeſtus Hungaricus tempore trium ſecundorum in vitrum abibat ex flavo viride.

7. Glacies Mariæ Eiſlebenſis in momento calcinabatur ; poſt 4 vel 5 minuta prima in loco foci perforabatur, atque in vitrum ex viridi flavum vertebatur, ſimile illi quod ex aſbeſto provenit.

8. Schiſtus vulgaris niger tegularis tempore duorum ſecundorum abibat in vitrum nigrum.

9. Marmor nigrum in loco, quem focus attingebat, tempore aliquot ſecundorum calcinabatur, et poſt unum minutum primum hinc inde fundi incipiebat.

10. Fruſtum lapidis ſabuloſi martialis tempore trium ſecundorum in vitrum nigrum fundebatur.

11. Nummus aureus Hispanicus (*a pistole*) fundebatur intra duo secunda, fusus niger apparebat.

12. Florenus Saxonicus (*half a crown*) in momento fundi incipiebat, et intra tria secunda jam perforatus erat.

13. Clavus ferreus ex rota, tempore trium secundorum fluebat, et tempore quinque jam tres ferri guttæ pisi majoris magnitudine confluerant in unam, insimulque vitri viridis parum productum erat.

14. Si ignis cum flamma intra focum et speculum ponatur, tempore nocturno obscuro, magna circumjacens plaga ita illuminatur, ut etiam in horologio turris distantis numerus horam indicans discernatur.

15. Si ignis prunarum bene accensarum ponatur directe ante speculum, licet notabili distantia, calor in foco satis intensus percipitur, ut etiam candela accendi, vel aliæ res inflammabiles comburi possint.

16. Si vero prunæ accensæ in ipso foco ponantur, et radii inde egressi a speculo reflexi ab alio speculo in distantia satis notabili excipiantur, poterunt res inflammabiles in hujus secundi speculi foco positæ accendi.

17. Experimenta duo ultima non solum succedunt cum ipsis prunis accensis, sed etiam, cum fornace fortiter calefacto, in foco speculi posito, vel juxta experimentum 15<sup>um</sup> ante eundem, distantis nempe probe selectis.

18. In camera obscura imagines objectorum ab his speculis reflexæ distincte et cum propriis coloribus repræsentantur. Præterea cum microscopio solari hæc specula utiliter combinari possunt.

19. Si duo specula in notabili distantia, uti 50 passuum, directe sibi invicem opponantur, et in  
foco

foco unius verba quædam voce admodum depressa proferantur, vel horologium minus marsupiale ibi ponatur, poterunt ista verba vel horologii vibrationes in foco alterius speculi distincte audiri.

Qu. Specula Archimedeæ erantne diversa ab his? Certe parabola, cujus parameter bis mille pedum, non difficulter describitur. Forte etiam radii a tali speculo reflexi, post focum a lente excipi, et situ parallelo ad omnem distantiam mitti possent, habita nempe ratione fusibilitatis vitri.

Sept. 2, 1768.